

## SCRIPT OF EVENING GOJRI NEWS BULLETIN 27MAR 2025

1700HRS

اوننگ گوجری نیوز بولیٹن 27 مارچ 2025

\*\*\*\*\*

یوہ آکاشوانی جموں بے نصرت تے مشرف عظیم تیں خبر سَنو۔

\*\*\*\*\*

### HEADLINES

- ۱۔ سڑک ٹرانسپورٹ تے ہائی وے گا وزیر نتن گڈکری نے لوک سبھا مانہ دسیو جے جموں کشمیر مانہ ۲ لکھ کروڑ غی مالیت اعلیٰ پروجیکٹ نانہ نافذ کیو جارہیو ہے
- ۲۔ لیفٹیننٹ گورنر منوج سنہا نے اج دہشت گردی غا حملہ غے دوران ماریا گیا ارجن شرما غی بہن رینو شرما نانہ تقریری خط پیش کیو۔
- ۳۔ لیفٹیننٹ گورنر منوج سنہا نے اج گھر گھر تیں کچرو چان آلی گڈیاں غا ایک قافلہ نانہ روانہ کیو۔

- ۴۔ پونچھ تے راجوری ضلع نانہ وادی کشمیر تیں جوڑن آلی تاریخی مغل سڑک تیں برف ہٹان غو کم شروع ہو گئیو ہے۔
- ۵۔ ضلع کٹھوعہ غا جوٹھانا علاقہ مانہ اج دہشت گردان سنگ ٹاکرانمانہ ۲ پولیس غا جوان زخمی ہویا ہیں۔ منہال گلی علاقہ غا جنگلاں توں پولیس تے فوج نے ایک تلاشی مہم غے دوران ۵ گولی ایک گرینیڈ ۵ لانیو روٹڈ بر آمد کیو ہے۔

\*\*\*\*\*

### ROAD INFRA

- سڑک ٹرانسپورٹ تے ہائی وے گا وزیر نتن گڈکری نے لوک سبھا مانہ دسیو جے جموں کشمیر مانہ ۲ لکھ کروڑ غی مالیت اعلیٰ پروجیکٹ نانہ نافذ کیو جارہیو ہے۔ اُن نے دسیو جے جموں کشمیر مانہ ۱ سو ۵ ٹنل رابطہ سازی نانہ بہتر بنان خاطر تعمیر کیا جارہیا ہیں۔ وزیر موصوف نے اس گل ور وی لوکھلی جے جموں خطہ تے کشمیر خطہ مانہ ۲۲ ٹنل مکمل ہو گیا ہیں جدکہ ۴۱ ہور ٹنل بی آر او غے تحت تعمیر کیا جارہیا ہیں۔

\*\*\*\*\*

### LG APPOINTMENT LETTER

لیفٹیننٹ گورنر منوج سنہا نے اج دہشت گردی غا حملہ غے دوران ماریا گیا ارجن شرما غی بہن رینو شرما نانہ تقریری خط پیش کیو۔ ارجن شرما ریاسی ضلع غو بسنیک تھو جہیڑو پیشہ توں ایک بس کنڈکٹر تھو جس ور ۹ جون ۲۰۲۲ نانہ دہشت گردان نے حملو کر غے شہید کردتو تھو جہیڑی جے یاتریاں نانہ لے جارہی تھی اسے دوران ایل جی موصوف نے اس خاندان نانہ انتظامیہ غی طرفوں مدد غی یقین دہاتی وی کرائی۔

\*\*\*\*\*

### LG FLAGGING OFF

لیفٹیننٹ گورنر منوج سنہا نے اج گھر گھر تیں کچرو چان آلی گڈیاں غا ایک قافلہ نانہ روانہ کیو آئی سی آئی بینک تے آئی سی آئی سی آئی فاؤنڈیشن غی طرفوں کل ۴ گڈیاں جموں میونسپل کارپوریشن نانہ دتی گئی۔ لیفٹیننٹ گورنر نے آئی سی آئی بینک تے آئی سی آئی سی آئی فاؤنڈیشن غی اس پہل نانہ سہاریو جس غو مقصد کچرا جمع کرن غا نظام نانہ موثر بنانو تے جموں میونسپل علاقہ مانہ صفائی نانہ بہتر بنانو ہے جموں کشمیر تے لداخ غا آئی سی آئی بینک غا زونل ہیڈ سنڈیپ شرما نے لیفٹیننٹ گورنر

نانہہ دسیو کہ بینک نے اپنی کاروباری سماجی ذمہ داری غے تحت بسولی میونسپل کمیٹی نانہہ وی ۲ کچرا چان آلی گڈی فراہم کی ہے۔ اس موقعور دویزنل کمشنر رمیش کمار میونسپل کمشنر جموں دیوانش یادو تے دیگر اعلیٰ حکام وی راج بھون مانہہ منعقد فلیگ آف تقریب مانہہ موجود تھا۔

\*\*\*\*\*

## MUGHAL ROAD

پونچھ تے راجوری ضلع نانہہ وادی کشمیر تیں جوڑن آلی تاریخی مغل سڑک تیں برف ہٹان غو کم شروع ہو گئی ہے۔ باڈر روڈ تنظیم نے ہدف مقرر کیو ہے کہ یوہ رستو ۰۱ اپریل توڑی آمدرفت واسطے کھول دت وجے غو۔ اس مقصد واسطے بی آر او غی ٹیم نے برف ہٹان غی مہم تیز کردتی ہے۔ بی آر او غا کمانڈنگ آفیسر آشیش رنجن نے ایک پریس کانفرنس نانہہ بتایو کہ اس وقت مغل سڑک ور بھاری مقدار مانہہ برف جمع ہے تے برفانی تودا تے مٹی کھسکن جیسی مشکلات وی درپیش ہیں انتمام وجاہات تیں بعد وی ٹیم پوری مغنت تیں کم کر رہی ہے تانجے مقررہ وقت ور سڑک کھولی جاسکے۔ حکام نے عوام تیں اپیل کی ہے راستہ کھلن تیں بعد بی آر او غی حفاظتی ہدایات ور عمل کریں تے جاری کردہ ہدایت ور دھیان دیں تانجے کسی وی قسم غی مشکلات تیں بچو جاسکے یاد رہے جے مغل سڑک جنوری مانہہ شدید برف غے باعث بند کردتی گئی تھی۔ بی آر او غا کمانڈنگ آفیسر آشیش رنجن نے اس طرح کہیو۔

\*\*\*\*\*

## AMIT SHAH

حریت سنگ جڑیا دوہور گروپ جموں کشمیر تحریک استوقسال تے تھریک اے استقمال جموں کشمیر نے حریت توں علیحدگی کر غے نریندر مودی غا نوا بھارت آلیے پاسے اپنو اعتماد ظاہر کیو ہے یہ گل وزیر داخلہ امت شاہ نے سماجی میڈیا ور ایک پیغام سانجو کرتا واں دسی۔ اُننے کہیو جے علیحدگی پسند اس وقت آخری پڑاؤ مانہہ پُج گئی ہے۔ جدکہ کشمیر مانہہ اتحاد کی فتح ہونی شروع ہو گئی۔

\*\*\*\*\*

## PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ آئندہ 30 ما رچ نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 120 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مودی ایپ یاہ فر مائی گو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی بی قابل قبول وین گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن اینر مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی بندی نشریات غے فوراً بعد اس نانہہ علاقائی زبانان مانہہ وی نشر کرے گو۔

\*\*\*\*\*

## ENCOUNTER

ضلع کٹھوعہ غا جوٹھانا علاقہ مانہہ اج دہشت گردان سنگ ٹاکرانمانہہ ۲ پولیس غا جوان زخمی ہویا ہیں مارا آکاش وانی غا نامہ نگار نیخبر ٹوری ہے جے ضلع کٹھوعہ غا بیرا نگر

سیکٹر مانہ دہشت گردان مخالف کاروائی پچھلا چار تہاڑاں تیں جاری ہے۔ اج سویرے جکھول گراں غے نزدیک راج باغ غا علاقہ گھاٹی جوٹھانا مانہ حفاظتی دستاں تے دہشت گردان بشکار تاکرو شروع ہوو جہیڑو جے اتوار غا ٹاکرا آلی جگہ تیں تقریباً کوئی ۰۳ کلو میٹر دور ہے۔ اخیر خبر موصول ہون تک گولہ باری غو تبادلو دواں بشکار جاری تھو۔ منیو جاریو بے جے یہ دہشت گرد وہی ہیں جہیڑا جے اتوار نانہہ ایک سو ملن توں بعد ایس او جی غی خاص تلاشی مہم غے دوران بچ گیا تھا۔ گزشتہ سموار نانہہ تلاشی پارٹی نانہہ بیرا نگر مانہہ ٹاکرا آلی جگہ توں ۴ ایم فور کارباین غی میگزین ۲ گرینیڈ ایک بلٹ پروف جیکٹ سون آلو بیگ کپڑا کُج جوڑا بوٹاں گا کھان پین آلی اشیاء تے ایک الگ تھیلا مانہہ دھماکہ خیز مواد ملیو تھو۔

\*\*\*\*\*

### AMMUNITION RECOVERED

ضلع راجوری غا تنہہ منڈی غا منہال گلی علاقہ غا جنگلاں توں پولیس تے فوج نے ایک تلاشی مہم غے دوران ۵ گولی ایک گرینیڈ ۵ لائیو روٹڈ ایک گیس سلینڈر ایک سولر پینل ایک نوڈل پیکٹ کُج دوائی تے باقی سامان بر آمد کیو ہے۔

\*\*\*\*\*

### ZOJILA TUNNEL

جموں کشمیر غا زوجیلا ٹنل جہیڑو جے ایشیا گو سب توں لمبو ٹنل ہے غو تقریباً ۰۷ فی صد کم مکمل ہو گيو ہے۔ ۵ ہزار ۵ سو کروڑ آلا اس پروجیکٹ سنگ سرینگر تے لداخ بشکار بر موسمی رابطہ سازی مہیا ہو جائے گی۔ زوجیلا پروجیکٹ ۳۱ کلو میٹر توں زیادہ ٹنل نے ۷۱ کلو میٹر سڑک ور مشتمل ہے۔ جس غی مجموعی طور ور ۰۳ کلو میٹر لمبائی ہے۔ اس گل بارے سڑک ٹرانسپورٹ تے ہائی وے مرکزی وزیر نتن گڈکری لوک سبھا مانہہ پوچھیا گیا ایک سوال غا جواب مانہہ کہیو۔

\*\*\*\*\*

### REASI FESTIVAL ARRANGEMENTS

اپیشنل ڈپٹی کمشنر ریاسی راکیش کمار نے اج ایک میٹنگ کے دوران آن آلا تہوار جن مانہہ جمعہ تلودہ عہد الفطر تے نوراترا بارے کی گئی تیاریاں بارے جائیزو لیو۔ اے ڈی سی موصوف نے تمام متعلقہ محکماں نانہہ ہدایت جاری کی ہے جے وے بجلی پانی غی سپلائی صفائی ستھرائی ٹریفک انتظام تے طبی سہولیات نانہہ یقینی بناویں اُن نے اس گل غی ہدایت جاری کی ہے جے وے معیار غا متعلقہ افسران نانہہ کھان آلی اشیاء غی دستیابی تے زیادہ قیمتاں ور وی منڈیاں گو باقاعدہ معاینو کریں۔

\*\*\*\*\*

### POONCH CRICKET TOURNEY

ضلع پونچھ غا سپورٹ اسٹیڈیم مانہہ اج شہید ڈی وائی ایس پی منجیت سنگھ غی ہار مانہہ جموں کشمیر پولیس غے زیر اہتمام کرکٹ ٹورنامینٹ غا اپہلا ایڈیشن غو انعقاد ہوو۔ افتتاحی تقریب غے دوران ایس ایس پی پونچھ شفاقت حسین تے دیگر اعلیٰ پولیس حکام غے نال کُج معزز شہری تے کھیلاں گا شوکین افراد وی شامل تھا۔ اس دوران پولیس حکام نے دسیو جے اس تقریب غو مقصد پونچھ غا نوجواناں نانہہ منشیات توں دور تے شہید غی عزت تے اسپورٹس مین شپ نانہہ فروغ دینو ہے۔

\*\*\*\*\*

### RAJOURI FIT INDIA

ضلع راجوری غا سرکاری کالج درہال مانہہ فٹ اچڈیا غا تسلسل غے پیش نظر ایک ٹگ آف وار  
مقابلہ غو اہتمام کیو گیو جس مانہہ تمام سمسٹراں غا طلباء نے بڑا جوش و خروش سنگ  
حصو لیو۔ یوہ مقابلو کشیش غی ٹیم نا مضباح غی ٹیم ور جیت حاصل کرن توں بعد اختتام پزیر  
ہوئی۔ یہ تقریب کالج غا پرنسپل پروفیسر میر غی سرپرستی مانہہ منعقد ہوئی۔ واضع رہ جے  
ٹگ آف وار نہ صرف تفریحی مقابلو بے بلکہ فٹ انڈیا گا ہدف غے نال طلبہ مانہہ اتحاد تے  
جسمانی فٹنس غا جذبہ نانہہ وی تقویت بخشے۔  
\*\*\*\*\*